



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-847/22-3
Sarajevo, 29.04.2022.godine

**ČLANOVIMA
PARLAMENTARNE KOMISIJE
ODGOVORNE ZA REVIZIJU**

Dana 28.04.2022. godine održana je 30. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 od ukupno 14 članova Komisije, samim tim ispunjeni su svi uslovi za punovažan rad u pogledu kvoruma i odlučivanja. Zamjenik predsjednika Komisije je predložio **dnevni red** koji je jednoglasno usvojen, a koji glasi:

1. Usvajanje zapisnika sa 29. Sjednice Parlamentarne komisije odgovorne za reviziju,
2. Dokument okvirnog budžeta za 2023.-2025. godinu Ureda za reviziju institucija u Federaciji Bosne i Hercegovine,
3. Izvještaj revizije učinka “ Efikasnost drugostepenih organa u postupanju po žalbama”,
4. Informacija Federalnog ministarstva energije, rudarstva i industrije u vezi finasijske revizije “Naftnih terminala Federacije” d.o.o. Ploče za 2021. godinu,
5. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika sa 29. sjednice Komisije

Zapisnik sa 29. sjednice Komisije je jednoglasno usvojen.

2. Dokument okvirnog budžeta za 2023.-2025. godinu Ureda za reviziju institucija u Federaciji Bosne i Hercegovine.

Sjednici Komisije prisustvovali su: Dževad Nekić – generalni revizor Ureda za reviziju institucija u Federaciji BiH, zamjenik generalnog revizora Dragan Kolobarić, Mia Buljubašić – šefica Kabineta generalnog revizora, Aida Dozić i Enesa Kadrić – odjeljenje za finasijsko-računovodstvene poslove.

Zamjenik predsjednika Komisije je otvorio raspravu o drugoj tački dnevnog reda. Riječ je data predstavnicima Ureda za reviziju institucija u Federaciji Bosne i Hercegovine. Prvi za riječ javio se g-din Dževad Nekić - generalni revizor koji je detaljno obrazložio

dostavljeni Dokument okvirnog budžeta za 2023.-2025. godine Ureda za reviziju institucija u Federaciji Bosne i Hercegovine. Nakon detaljnog obrazloženja DOB za 2023.-2025.godine od strane predstavnika Ureda za reviziju institucija u Federaciji BiH, Komisija je jednoglasno usvojila i odobrila dostavljeni Dokument okvirnog budžeta za 2023.-2025. godine Ureda za reviziju institucija u Federaciji BiH, a koji je dostavljen Parlamentarnoj komisiji odgovornoj za reviziju na razmatranje i odobravanje skladu sa članom 5. Zakona o Uredu za reviziju institucija u Federaciji Bosne i Hercegovine ("Sl. novine Federacije BiH" broj 22/06) i Zakona o budžetima u Federaciji BiH (" Sl. novine Federacije BiH" br. 102/13, 9/14, 13,14, 8/15, 91/15, 91/15, 102/15, 104/16, 5/18, 11/19 I 99/19).

3. Izvještaj revizije učinka "Efikasnost drugostepenih organa u postupanju po žalbama.

Zamjenik predsjednika Komisije otvorio je raspravu o trećoj tački dnevnog reda. Riječ je ponovno data predstavnicima Ureda za reviziju institucija u Federaciji Bosne i Hercegovine, koji su detaljno obrazložili članovima Komisije dostavljeni Izvještaj revizije učinka "Efikasnost drugostepenih organa u postupanju po žalbama". Nakon izlaganja od strane predstavnika Ureda za reviziju, te nakon obavljene diskusije, Komisija jednoglasno donosi slijedeći:

ZAKLJUČAK

Da se obavi javna rasprava prilikom obavljanja prvog ciklusa održavanja rasprave u vidu javnih saslušanja za Izvještaj revizije učinka " Efikasnost drugostepenih organa u postupanju po žalbama".

4. Informacija Federalnog ministarstva energije, rudarstva i industrije u vezi finasijske revizije "Naftnih terminala Federacije" d.o.o. Ploče za 2021. godinu.

Zamjenik predsjednika Komisije je otvorio raspravu o četvrtoj tački dnevnog reda. Nakon duže diskusije sa predstavnicima Ureda za reviziju institucija u Federaciji BiH, gdje su članovi Komisije detaljno razmatrali ovu tačku dnevnog reda i gdje su upoznati sa dopisom Federalnog ministarstva energije, rudarstva i industrije o poduzetim aktivnostima po Zaključcima Parlamentarne komisije odgovorne za reviziju o dostavljanju dokumentacije najavljene i planirane finasijske revizije "Naftnih terminala Federacije" d.o.o. Ploče, Komisija jednoglasno donosi Urgenciju, koju je potrebno hitno dostaviti Vladi Federacije Bosne i Hercegovine i Operatoru terminala Federacije d.o.o. Sarajevo, a koja glasi:

URGENCIJA

Parlamentarna Komisija odgovorna za reviziju, na 30. sjednici održanoj 28.04.2022. godine, donosi Urgenciju, kojom se traži od Vlade Federacije Bosne i Hercegovine i Operatora-terminala Federacije d.o.o. Sarajevo, da u roku od 7 dana od dana zaprimanja ove urgencije, dostavi svu traženu dokumentaciju Uredu za reviziju institucija Federacije BiH, te o istom obavijesti Parlamentarnu komisiju odgovornu za reviziju.

5. Tekuća pitanja.

Pod ovom tačkom dnevnog reda nije bilo rasprave.

ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU

Ivica Pavković, v.r

PREDSJEDNIK
PARLAMENTARNE KOMISIJE
ODGOVORNE ZA REVIZIJU

Aljoša Čampara, s.r